

新建曹繩彥輯

五冊

古今名醫萬方類編

上海大東書局發行



古今名醫萬方類編卷十七

新建曹繩彥鞠菴氏手集

族甥閔其昌校對

外科

癰疽瘡瘍門

癰疽初起

本草方 一切無名腫毒孫氏集効方用野菊花連莖搗爛酒煎熟服取汗以渣傳之即愈

衛生簡易方 用野菊花莖葉蒼耳草各一握共搗入酒一碗絞汁服以渣傳之取汗即愈或六月
日采蒼耳葉九月九日采野菊花為末每酒服三錢亦可

乾坤秘韞 一切惡瘡綿簽草端午采者一兩乳香一兩白礬燒半兩為末每服二錢熱酒調下毒重
者連進三服得汗妙

簡便方 大黃五倍子黃蘗等分為末新汲水調塗日四五次

孫真人千金方 商陸根和鹽少許搗傳日再易之

肘后方 痛不可忍蓖麻子仁搗傳即止也

千金方 芫花末和膠塗之

孟詵食療 用枯樓根苦酒熬燥搗篩以苦酒和塗紙上貼之 楊文蔚方用枯樓根赤小豆等分為

未醋調傳之

壽域神方 發背乳癰便毒惡瘡初起者並用五葉藤或根一握生薑一塊搗爛入好酒一碗絞汁熱服取汗以渣傳之即散一用大蒜代薑亦可

千金翼 猪胆汁和芥子末貼之日三上猪脂亦可

瀕湖集簡方 白芥子末醋調塗之

本草方 一切腫毒生蔓菁根一握入鹽花少許同搗封之日三易之 肘后方用蔓菁葉中水者燒灰和臘猪脂封之

本草方 翻白草根五七個煎酒服之

普濟方 帶泥山藥蓖麻子糯米等分水浸研傳之即散也

儒門事親方 赤龍散用野葡萄根晒研為末水調塗之即消也

李樓奇方 松香八兩銅青二錢蓖麻子仁五錢同搗作膏攤貼甚效

范汪東陽方 不問硬軟取秋葉十重傳腫上舊帛裹之日三易之當重重有毒氣為水流在葉上冬月取乾葉鹽水浸軟或取根皮搗爛傳之皆效止痛消腫食膿血勝于眾藥

醫林正宗 桐油點燈入竹筒內熏之得出黃水即消

本草方 五倍子炒紫黑色蜜調塗之 簡便治一切腫毒初起無頭者五倍子大黃黃蘗等分為末

新汲水調塗四圍日三五次



余居士方 大蝦蟇一個剝碎同炒石灰研如泥傳之頻易

仁齋直指方 穿山甲插入穀芒熟灰中炮焦為末二兩入麝香少許每服二錢半溫酒下
外臺 已潰未潰者用鯉魚燒灰醋和塗之以愈為度

小品 敗龜甲一枚燒研酒服四錢

姚僧坦集驗方論 用此拔毒水調牡蠣粉末塗之乾更上

癰腫無頭

本草方 孟詵曰三日後取葵子二百粒水吞之當日即開也

經驗方云只吞一粒即破如吞兩粒

經驗方 龍葵莖葉搗傳之

經驗後方 蜀葵子為末水調傳之

虞搏醫學正傳 新掘大門冬三五兩洗淨沙盆搗細以好酒濾汁頓服未効再服必愈此祖傳經驗方也

本草方 權曰白斂赤小豆茵草為末雞子白調塗之 陶隱居方用白斂二分藜蘆一分為末酒和貼之日三上

集簡方 野園姜一把穿山甲燒存性七分當歸尾三錢搗爛入酒一盞絞汁服以渣傳之

小品方 赤小豆末水和塗之毒即消散頻用有効



古今錄驗 背癰附骨疽未成膿者胡桃十箇煨熟去殼槐花一兩研末杵勻熱酒調服

本事方 拔毒止痛荷葉中心蒂如錢者不拘多少煎湯淋洗拭乾以飛過寒水石同臘猪脂塗之又治癰腫柞木飲方中亦用之

仙傳外科 用白芷紫荊皮等分為末酒調服外用紫荊皮木蠟赤芍藥等分為末酒調作箍藥大

本草方 藏器曰以水蛭十餘枚令啞病處取皮皺肉白為効冬月無蛭地中掘取暖水養之令動先淨人皮膚以竹筒盛蛭合之須臾咬啞血滿自脫更用饑者

肘后方 蛇蛻灰猪脂和塗

玉燾外臺秘要 已成未成用水膠一片水漬五當頭開孔貼之未有膿者自消已潰者令膿自出

宗奭行義 未潰用乾人屎末麝香各半錢研勻以豆大津調貼頭外以醋麵作錢護之膿潰去藥

癰疽腫毒

外臺秘要 伏龍肝以蒜和作泥貼之乾再易或雞子黃和亦可

陳自明外科精要 曾孝先云凡癰疽瘡瘍皆因氣滯血凝而致宜服諸香藥引氣通血常器之云凡氣血聞香即行聞臭即逆瘡瘍皆由氣滯而血聚最忌臭穢不潔觸之毒必引蔓陳正節公云大凡疽疾多因怒氣而得但服香附子藥進食寬氣大有効也獨勝散用香附子去毛以生薑汁淹一宿焙乾碾為細末無時以白湯服二錢如瘡初作以此代茶瘡潰後亦宜服之或只以局方小烏沉湯少用甘草愈後服至半年尤妙

千金 婦人妬乳乳癰小兒頭瘡及浸淫黃爛熱瘡疥疽陰蝕並用天麻草切五升以水一斗半煮一斗分數次洗之以殺痒

李迅癰疽集驗方 發背初發二日但有熱證便宜服漏蘆湯退毒下膿乃是宣熱拔毒之劑熱退即

住服漏蘆用有白茸者連翹生黃芪沉香各一兩半粉草半兩大黃微炒一兩為細末每服二錢薑棗湯調下

乾坤生意 發背惡瘡用鐵掃帚同松毛牛膝以水煎服

王衮博濟方 及打撲傷損未破疼痛者以生地黃杵如泥攤在上搽木香末于中又攤地黃泥一重貼之不過三五度即內消也

直指方 黃蜀葵花用鹽摻收甕器中密封經年不壞每用傳之自平自潰無花用根葉亦可外臺秘要 連翹草及根各一升水一斗六升煮汁三升服取汁

楊誠經驗方 紫花地丁連根同蒼耳葉等分搗爛酒一鍾攪汁服即愈

深師方 川烏頭炒黃柏炒各一兩為末唾調塗之留頭乾則以米泔潤之

保生餘錄 及瘡癰用荍絲菜或根馬蹄草莖或子即蓴也各取半碗同苧麻根五寸去皮以石器搗爛傳毒四圍春夏秋日換四五次冬換二三次換時以薺水洗之甚效

千金翼 家芥子末同柏葉搗塗無不愈者大驗得山芥更妙

諸症辨疑 乾薑一兩炒紫研末醋調傳四圍留頭自愈此乃東昌申一齋奇方也

集簡方 黃蘗皮炒川烏頭炮等分為末唾調塗之留頭頻以米泔水潤濕

唐慎微本草 膿血不止地骨皮不拘多少洗淨刮去粗皮取細白穰以粗皮同骨煎湯洗令膿血盡以細穰貼之立効有一朝士腹脇間病疽經歲或以地骨皮煎湯淋洗出血一二升家人懼欲止之病者曰疽似少快更淋之用五升許血漸淡乃止以細穰貼之次日結痂矣

簡便方 重陽前取芙蓉葉研末端午前取蒼耳燒存性研末等分蜜水調塗四圍其毒自不走散名鐵井闌

醫方摘要 壁虎焙乾研末油調傳之即止

千金方 用米醋和蚌蛤灰塗之待其乾即易之

癰腫不破

衛生易簡方 黃葵子研酒服一粒則一頭神効

婦人經驗方 乳癰腫毒金黃散用川大黃粉草各一兩為末好酒熬成膏收之以絹攤貼瘡上仰卧仍先以溫酒服一大匙明日取下惡物

聖惠方 茜草一兩為末雞子白調塗帛上貼之日二易取効止得痛為良

外科精要 止痛靈寶散用鬼繫腰生竹籬陰濕石岩間絡石而生者好絡木者無用其籬柔細兩葉相對形生三角用莖葉一兩洗晒勿見火皂莢刺一兩新瓦炒黃甘草節半兩大爪萆一個取仁炒香乳香沒藥各三錢每服二錢水一盞酒半盞慢火煎至一盞溫服



姚僧坦方 薏苡仁一枚吞之

肘后方 苦酒和雀屎如小豆大傳瘡頭上即穿也

外科精義 烏金散治癰癤腫硬無頭不變色者菜粉四兩葱白一兩同炒黑研末醋調貼一伏時又換以消為度

千金方 潰癰不合老鼠一枚燒末傳之

癰疽發背

瀕湖集簡方 厨內倒吊塵為末以生葱極嫩心同搗膏傳之留頂一日一換乾則以水潤之

經驗方 黑鉛一斤甘草三兩微炙瓶盛酒一斗浸甘草乃鎔鉛投酒中如此九度去滓飲酒醉臥即

愈

直指方 諸癰疽好光粉二兩真麻油三兩慢火熬以柳枝急攪至滴水成珠入白膠末少許入器水

浸兩日油紙攤貼名神應膏

救急方 銀硃白礬等分煎湯溫洗却用桑柴火遠遠炙之日三次甚効

發明 頌曰大凡石類多主癰疽世傳麥飯石膏治發背瘡甚効乃中岳山人呂子華秘方裴員外啗之以名第河南尹胥之以重刑呂寧絕榮望守死不傳其方取此石碎如碁子炭火燒赤投米醋中浸之如此十次研末篩細入乳鉢內用數人更番研之

直指方 初作即服此使毒氣不內攻以麻油一斤銀器煎二十沸和醇醋二碗分五次一日服盡

直指方 一切腫毒莖麥麴硫黃各二兩為末井華水和作餅晒收每用一餅磨水傳之痛則令不痛
不痛則令痛即愈

萬氏方 染米粉熬黑以雞子白和塗練上剪孔貼之乾則易神効

千金方 已潰未潰用香豉三升入少水搗成泥照腫處大小作餅厚三分瘡有孔勿覆孔上鋪豉餅
以艾列于上灸之但使溫溫勿令破肉如熱痛即急易之患當減快一日二次灸之如先有孔以汁出
為妙

發明 頌曰經言胡散癰腫按李絳兵部手集方云毒瘡腫毒號叫卧眠不得人不能別看取獨頭蒜
兩顆搗爛麻油和厚傳瘡上乾即易之屢用救人無不神効盧坦侍郎肩上瘡作連心痛悶用此便瘥
又李僕射患腦癰久不瘥盧與此方亦瘥又葛洪肘后方云凡背腫取獨頭蒜橫截一分安腫頭上炷
艾如梧子大灸蒜百壯不覺漸消多灸為善勿令大熟若覺痛即擎起蒜蒜焦更換新者勿令損皮肉
洪嘗苦小腹下患一大腫灸之亦瘥數用灸人無不應効又江寧府紫極宮刻石記其事云但是發背
及癰疽惡瘡腫核初起有異皆可灸之不計壯數惟要痛者灸至不痛不痛者灸至痛極而止疣贅之
類灸之亦便成痂自脫其効如神乃知方書無空言者但人不能以意詳審則不得盡應耳時珍曰按
李迅論蒜灸法云癰疽之法着灸勝于用藥緣熱毒中隔上下不通必得毒氣發洩然後解散凡初
發一日之內使用大獨頭蒜切如小錢厚貼頂上灸之三壯一易大藥以百壯為率一使瘡不開大二
使內肉不壞三瘡口易合一舉而三得之但頭及項以上切不可用此恐引氣上更生大禍也又史源

記蒜灸之功云母氏背脾作痒有赤暈半寸白粒如黍灸二七壯其赤隨消信宿有赤流下長二寸舉家歸咎于灸外醫用膏護之日增一暈二十二日橫斜約六七寸痛楚不勝或言一尼病此得灸而愈予奔問之尼云劇時昏不知人但聞范奉儀坐守灸八百餘壯方甦約艾一節予亟歸以煙如銀盞灸十數殊不覺乃灸四旁赤處皆痛每一壯燼則赤隨縮入三十餘壯赤暈收退蓋灸遲則初發處肉已壞故不痛直待灸到好肉方痛也至夜則火熾滿背瘡高阜而熱夜得安寢矣至曉如覆一甌高四寸上有百數小竅色正黑調理而安蓋高阜者毒外出也小竅多毒不聚也色正黑皮肉壞也非火大出其毒於壞肉之裏則內逼五臟而危矣庸醫傳貼涼冷消散之說何可信哉

發明 宗奭曰凡患發背及一切癰疽者削冬瓜一大塊置瘡上熱則易之分散熱毒氣甚良靈驗白冬瓜性走而急寇氏謂其分散熱毒氣蓋亦取其走而性急也久病者陰虛者忌之孫真人言九月勿食令人反胃須被霜食之乃佳

外臺秘要 及發乳諸毒用吳茱萸一升搗為末用苦酒調塗帛上貼之

醫林正宗 大如盤臭腐不可近桐葉醋蒸貼上退熱止痛漸漸生肉收口極驗秘方也

劉松石保壽堂方 凡人中熱毒眼花頭運口乾舌苦心驚背熱四肢麻木覺有紅暈在背後者即取槐花子一大抄鐵杓炒褐色以好酒一盆汗之乘熱飲酒一汗即愈如未退再炒一服極效縱成膿者亦無不愈彭幸菴云此方三十年屢効者

救急方 榆根白皮切清水洗搗極爛和香油傳之留頭出氣燥則以苦茶頻潤不粘更換新者將愈

以桑葉嚼爛隨大小貼之口合乃止神効

發明 時珍曰觀靈樞經治寒痺內熱用桂酒法以桑炭炙布巾熨痺處治口僻用馬膏法以桑肉鈎其口及坐桑灰上皆取此意也又癰疽發背不起發或瘀肉不腐潰及陰瘡瘰癧流注腫瘡頑瘡惡瘡久不愈者用桑木炙法未潰則拔毒止痛已潰則補接陽氣亦取桑通關節去風寒火性暢達出毒之意其法以乾桑木劈成細片紫作小把然火吹息炙患處每吹炙片時以瘀肉腐動為度內服補托藥誠良方也

發明 時珍曰其方治一切癰疽發背流注諸腫毒冷熱不明者紫荊皮炒三兩獨活去節炒三兩赤芍藥炒二兩生白朮一兩木蠟炒一兩為末用葱湯調熱敷血得熱則行葱能散氣瘡不甚熱者酒調之痛甚者筋不伸者加乳香大抵癰疽流注皆氣血凝滯所成遇溫則散遇涼則凝此方溫平紫荊皮乃木之精破血消腫獨活乃土之精止風動血引拔骨中毒去皮濕氣芍藥乃火之精生血止痛木蠟乃水之精消腫散血同獨活能破石腫堅硬白芷乃金之精去風生肌止痛蓋血生則不死血動則流通肌生則不爛痛止則不愀風去則血自散氣破則硬可消毒自除張實之曰自除五者交治病安有不愈者乎

仙傳外科 發背初生一切癰疽皆治單用紫荊皮為末酒調極佳自然撮小不開內服柞木飲子乃救貧良劑也

同上 癰疽未成用白芷紫荊皮等分為末酒調服外用紫荊皮木蠟赤芍藥等分為末酒調作極藥

發明 時珍曰芙蓉花并葉氣平而不寒不熱味微辛而性滑涎粘其治癰疽之功殊有神効近時瘍醫秘其名為清涼膏清露散鐵穠散皆此物也其方治一切癰疽發背乳癰惡瘡不拘已成未成穿未穿並用芙蓉葉或根皮或花或生研或乾研末以蜜調塗于腫處四圍中間留頭乾則頻換初起者即覺清涼痛止腫消已成者即膿聚毒出已穿者即膿出易斂妙不可言或如生赤小豆末尤妙醫林集要 未成者用活蟾一個繫放瘡上半日蟾必昏憤置水中救其命再易一個如前法其蟾必踉蹌再易一個其蟾如舊則毒散矣累驗最効若勢重者以活蟾一個或二三個破開連肚夾熱冷瘡上不久必臭不可聞再易二三次即愈慎勿以微物見輕也

保壽堂方 用雄雞冠血滴疽上血盡再換不過五六雞痛止毒散數日自愈

千金方 初作及經十日以上腫赤焮熱日夜疼痛百藥不効者用煨雞子一枚新狗屎如雞子大攪勻微火熬令稀稠得所捻作餅子于腫頭上貼之以帛包抹時時看視覺餅熱即易勿令轉動及歇氣經一宿定如日多者三日貼之一日一換至瘥乃止此方穢惡不可施之貴人一切諸方皆不能及但可備擇而已

梅師方 母猪蹄一雙通草六分綿裹煮羹食之

外臺 用白犬屎半升水絞取汁服以滓傳日再

千金方 一切腫毒用胡燕窠土鼠坐土榆白皮枯樓根等分為末以女人月經衣水洗取汁和傳腫上乾即易之潰者封其四圍五日瘥

石癰堅硬

千金方 石癰不膿染上塵灰荅根莖灰等分用醋和敷之

張文仲方 石癰如石堅硬不作膿者生商陸根搗擦之燥即易取軟為度亦治濕漏諸癰

千金方 不作膿者良薑子為末醋和傅瘡頭根即拔出

范汪方 石癰諸癰赤小豆五合納苦酒中五宿炒研以苦酒調塗即消加枯樓根等分

千金方 如石不作膿用椽子一枚以醋于青石上磨汁塗之乾則易不過十度即平

千金方 不作膿者蜀桑白皮陰乾為末烱膠和酒調敷以軟為度

總錄 用蛇蛻皮貼之經宿即愈

癰腫毒氣

日華本草 紫石英火燒醋淬為末生薑米醋煎傅之摩亦得

簡易方 已潰未潰皆可用之胡黃連穿山甲燒存性等分為末以茶或雞子清調塗

發明 頌曰范汪方療惡毒癰腫或連陰卵髀間疼痛繼急牽入小腹不可忍一宿即殺人者用茴香

苗葉搗汁一升服之日三四服其滓以貼腫上冬月用根此是外國神方永嘉以來用之起死回生神

驗

癰疽惡肉

普濟方 癰疽瘻肉石灰半斤蕎麥稽灰半斤淋汁煎成霜密封每以針畫破塗之自腐



肘后方 白炭灰白荻灰等分煎膏塗之蝕盡惡肉以生肉膏貼之亦去黑子此藥只可留十日久則不効

鬼遺方 地黄三斤水一斗煮取三升去滓煎稠塗紙上貼之日三易

千金方 不消者薊藿灰石灰各淋取汁合煎如膏傳之能蝕惡肉疥亦去痣疣此藥過十日即不用也

古今錄驗 烏頭五枚濃醋三升漬三日洗之日夜三四度

怪症奇方 丁香末傳之外以膏藥護之

外科精義 烏金膏解一切瘡毒及腐化瘀肉最能推陳致新已豆仁炒焦研膏點痛處則解毒生肌肉上則自化加乳香少許亦可若毒深不能收斂者宜作燃絰之不致成痛

癰疽已潰

陳日華經驗方 用牛膝根畧刮去皮插入瘡口中留半寸在外以嫩橘葉及地錦草各一握搗其上牛膝能去惡血二草溫涼止痛隨乾隨換有十全之功也

集簡方 芫花根皮搓作撚插入則不生合令膿易竭也

癰瘡不合

外臺秘要 石硫黃粉以筋蘸插入孔中以瘻為度

直指方 瘡口冷滯以北艾煎湯洗後白膠熏之

千金方 烏麻炒黑搗傳之

直指方 瘡口太深用絲瓜搗汁頻抹之

直指方 經霜黃桑葉為末傳之

千金方 破蒲席燒灰臘月豬脂和納孔中

李樓怪症奇方 不拘發背一切瘡用鷺甲燒存性研搽甚效

千金月令 牛屎燒末用雞子白和封乾即易之神驗也

醫方摘要 收斂癰疽貓頭一箇煨研雞子十箇煮熟去白以黃煎出油入白蠟少許調及傳之外

膏護住神妙

千金方 老鼠一枚燒末傳之

癰腫不散

圖經 生白藥根搗貼乾則易之無生者研末水和貼

癰腫瘀血

發明 時珍曰按葛洪抱朴子云蛇銜膏連已斷之指今攷葛洪肘后方載蛇銜膏云治癰腫瘀血產

後積血耳目諸病牛嶺馬鞍瘡用蛇銜大黃附子芍藥大戟細辛獨活黃芩當歸莽草蜀椒各一兩薤

白十四枚石為末以苦酒淹一宿以猪膏二斤七星火上煎沸成膏收之每溫酒服一彈丸日再服病

在外摩之傳之在耳綿裹塞之在目點之若入龍銜簾一兩則名龍銜膏也所謂連斷指者不知即此



膏否

決癰代針

主治 蠶繭已出蛾者燒灰酒服治癰腫無頭次日即破

發明 時珍曰蠶繭方書多用而諸家本草並不言及誠缺文也近世用治癰疽代針用一枚即出頭二枚即出二頭神効無比

外臺 白雞翅下兩邊第一毛燒灰水服即破

梅師方 破決癰癰諸癰已成膿懼針者取雀屎塗瘡頭即易決

癰瘡生蛆

集解 時珍曰張子和治癰疽瘡瘍生蛆以木香檳榔散末傅之

便癰膿血

袖珍方 白膠香一兩為末入麝香輕粉少許摻之

癰疽拔膿

直指 癰疽不破或破而腫硬無膿斑蝥為末以蒜搗膏和水一豆許貼之少頃膿出即去藥

千金方 人乳汁和麪傅之比曉膿盡出不可近手

癰疽痔漏

千金方 水煮棘根汁洗之



南京中醫藥大學圖書館版權所有

子母秘錄 蟾蜍研末傳之日一上

蝕爛癰腫

普濟方 及疣贅瘤瘰炸櫟木灰四斗桑柴灰四斗石灰一斗五升以沸湯調濕甑中蒸一日取釜中沸湯七斗合甑灰淋之取汁再熬至一升投亂頭髮一雞子大消盡又剪五色綵投入消盡絳或密收每以少許挑破點之煎時勿令雞犬婦人小兒見

一切癰腫

發明 時珍曰按積善堂方云烏龍膏治一切癰腫發背無名腫毒初發焮熱未破者取麝如神用隔年小粉愈久者愈佳以鍋炒之初炒如飴久炒則乾成黃黑色冷定研末陳米醋調成糊熬如黑漆瓷罐收之用時攤紙上剪孔貼之即如冰冷疼痛即止少頃覺痒乾亦不能動久則腫毒及自消藥力亦盡而脫落甚妙此方蘇州杜水菴所傳屢用有驗藥易而功大濟生者宜收藏之

陰疽不發

發明 楊清叟曰一切陰疽腫毒並宜草烏頭南星等分少加肉桂為末薑汁熱酒調塗未破者能內消久潰者能去黑爛二藥性味辛烈能破惡塊逐寒熱遇冷即消遇熱即潰

楊仁齋直指方 頭凹沉黯不痛無熱服內補散不起必用人牙煨過穿山甲炙各一分為末分作兩服用當歸麻黃煎酒下外以薑汁和麝傳之 又方用烏頭硫黃人牙煨過為末酒服亦妙

腸癰